

et hoc est esse quod explicat definitio in qua non cadit aliquid de accidentibus sed ea sola que vel sunt rei essentia siue substantia. Unde et ratio substantie nominata est vera definitio quam explicatio est ipsius substantie integra ac pura absque admissione vel admissione alicuius ex accidentibus et nominata est substantia propter hoc quod stat sub tota illa veritate ac circumfessione accidentium sustinet eam aliogen caderet in non esse propter quod et accidens nominatum est tanquam ad substantiam cadens querens inuiti ei et sustentari ab ea tanquam per se subsistere non valens vel dictum est accidens quasi ad non esse cadens quantum in se est. hoc est quantum est ex natura accidentalis tanquam per se hoc est propria firmitate scilicet naturali subsistere non valens. Quinto modo dicitur veritas esse creatoris siue ipse creator et omne aliud comparatione ipsius dicitur falsitas sicut dixit Aristoteles in libro metaphisico dicens unum esse solium cuius nulla est causa et illud est veritas omne autem aliud est possibile esse et illud est falsitas vel vanitas et intentio ista similis est aliquatenus vni ex precedentibus intentionibus. Causa autem in hoc est quoniam quemadmodum non dicitur verum argentum quod exterius solummodo argentum est neque symea vel pylosus dicitur homo quam exterius homo est tantum interiorem aut brutum. Sic unum quodque eorum que sunt propter creatorem exterius tantum est et affinis habens esse deforis et aduentitium quoniam sicut declaratum est tibi in prima parte totius sapiencialis ac diuinalis magisterij esse quod predicatur per hoc verbum est et hoc est esse quod unum quodque est hoc inquam esse de vno quod alio dicitur accidentaliter siue secundum participationes de solo autem creatore dicitur essentialiter siue secundum essentiam aut secundum substantiam ab omni quod per alio est separabile actu vel ratione siue intellectu a creatore vero solo nullo modo. rursus separabile est aliogen esset ei acquisitum vel aduentitium huiusmodi aut impossibilitas manifesta est quam si esset ei acquisitum aut esset ei acquisitum a se vel ab alio et ita vel esset causa sui esse vel causa breui aliam et ita nec esset principium nec principium et non oportet ut placeat hic destructio erroris istius de qua est tibi in prenominate tractatu plenissima certitudo. Quia igitur omne aliud a creatore exterius tantum est hoc est esse foris et aduentitium utpote accidentaliter Solus autem creator intus vel potius intime Merito falsum ens dicitur omne aliud aut falsitas. Solus autem creator verum siue verum ens et verus est veritas. Huiusmodi autem

exemplum conuenientissimum est in aere luminoso siue lucidato falso enim lucidum siue lucens comparatione solis dicitur esse et maxime comparatione lucis solaris que essentialiter lux est et eius esse lucere. Sexta vero intentio veri et veritatis qua vera dicitur enunciata et vere enunciationis et hoc ut ait Auicenna est adequatio orationis et rerum id est affirmationis et negationis et intelligendum est in sermone auicenne quod orationem vocat tam exteriori scriptam scilicet vel vocali quam spiritalem siue intellectualem. Siue autem dicas equalitatem siue equalitatem siue similitudinem non refert quantum ad intentionem auicenne. Verum igitur est secundum hanc intentionem adequatus ut dixi siue affirmationi vel negationi et ista adequatio est non secundum unum tempus tantum immo secundum omne et extenditur etiam in eternitates oratio igitur vera est que dicitur esse quod est aut non esse quod non est vel fuisse quod fuit vel non fuisse quod non fuit et similiter se habet de futuro. Debes etiam scire hoc quia non est enunciatio alicuius enunciabilis que vel aliud aut plus aut minus aut aliter quolibet modorum asserit vel negat quam habeat vel contineat ipsum enunciabile et hec est similitudo vel equalitas vel adequatio quam intendit auicenna siue dicas conuenientiam siue concordiam inter ipsum enunciabile et suam orationem vel negationem suam inquam sicut exposui tibi prius hoc ipsa conuenientia vel concordia enunciabilis et enunciationis. Veritas est vtriusque et contrarium siue peruersio illius est falsitas vtriusque. Verum igitur est enunciabile quod a sua affirmatione vel negatione disconuenit vel discordat. Unde manifestum est quod veritas et falsitas secundum intentiones istas velut respectus sunt aut comparationes compositionum atque diuisionum ad affirmationes et negationes suas et veritas atque falsitas affirmationum et negationum comparationes sunt siue relationes aut respectus ad compositiones et diuisiones rerum quas significant. alibi autem declaratum est tibi per me quia comparationes et relationes nec addunt nec minuunt rebus in semetipsis nec ponunt aliquid in illis neque comparatum aut relatum per hoc quod est comparatum aut relatum non habet aliquid in se sed habet aliquid ad se vel sibi. Siue dictum vel significatum apprehensum cogitatum amatum per hoc quod significatum cogitatum aut apprehensum aut amatum non habet aliquid in se nec iste dispositiones seu compa-